

四庫全書

子部

欽定四庫全書

子部

備急千金要方卷六十七

詳校官太醫院恩糧臣袁天錫

編修臣倉聖脈覆勘

總校官中書臣朱鈐

校對官中書臣胡紹基

謄錄監生臣劉文耀

欽定四庫全書

備急千金要方卷六十七

唐 孫思邈 撰

宋 林億等 校正

疔腫方

發背第三

論方

論曰凡發背皆因服食五石寒食更生散所致亦有單服鍾乳而發者又有生平不服而自發者此是上代有服之者其候多卒於背兩脾間起初如粟米大或痛或

癰仍作赤色人皆初不以為事日漸長大不過十日遂至於死其臨困之時已濶三寸高一寸瘡有數十孔以手按之諸孔中皆膿出尋時失音所以養生者小覺背上癢痛有異即火急取淨土水和如泥捻作餅子厚二分濶一寸半以粗艾大作炷灸泥餅上帖著瘡上灸之一炷一易餅子若粟米大時可灸七餅子即瘡如榆莢大灸七七餅炷即瘡如錢大可日夜灸之不限炷數仍服五香連翹湯及鐵漿諸藥攻之乃愈又法諸癰背未

作大膿可以冷水射之浸石令冷熨之日夜莫住瘥乃止此病忌麪酒五辛等亦有當兩肩上發者

凡服石人皆須勞役四體無令自安如其不爾者多有發動亦不得逐便恣意取暖稱已適情必須遺欲以取寒凍雖當時不寧於後在身多有所益終無發動之慮耳

凡腫起背脾間頭白如黍粟四邊相連腫赤黑令人悶亂即名發背也禁房室酒肉蒜麪若不灸治即入內殺

人若灸當瘡上七八百壯有人不識多作雜腫治者皆死

治發背及癰腫已潰未潰方

右用香豉三升少與水和熟擣成強泥依腫作餅子厚三分已上有孔勿覆孔上布豉餅以艾列其上灸之使溫溫而熱勿令破肉如熱痛即急易之患當減快得安穩一日二度灸之如先有瘡孔孔中得汁出即瘥

治癰疽發背已潰未潰及諸毒腫方

枯萋根

榆白皮

胡燕窠

鼠坩土

右四味各等分為末以女人月經衣水洗取汁和如泥封腫上乾即易潰者四面封之已覺即封從一日至五日令瘥

治發背背上初欲結腫方

大黃

升麻

黃芩

甘草

各三兩

梔子

三七枚

右五味㕮咀以水九升煮取三升分三服取快利便
止不利更進

內補散治癰疽發背已潰排膿生肉方

當歸

桂心 各二兩

人參

芎藭

厚朴

防風

甘草

白芷

桔梗

各一兩

右九味治下篩酒服方寸匕日三夜二未瘥更服勿

絕

外臺無防風
甘草白芷

又方治癰疽發背方

蜀椒

乾薑

黃芩

人參

各二分

桂心

一分

小豆

半合

白欬

甘草

附子

防風

各一兩

芎藭

二兩

右十一味治下節酒服方寸匕日三夜二

李根皮散治癰疽發背及小小瘰癧方

李根皮

升一

桔萸根

半夏

各五兩

通草

白欬

桔梗

厚朴

黃芩

附子

各一兩

甘草

當歸

各二兩

葛根

三兩

桂心

芍藥

各四兩

芎藭

六兩

右十五味治下節酒服方寸匕日三瘡大困者夜再服之曾有人患骨從瘡中出兼有三十餘癰癰服此散瘥

大內塞排膿散治發背癰腫經年瘥後復發此因大風或結氣在內經脉閉塞至夏月已來出攻於背久不治積聚作膿血為瘡內漏方

山茱萸

五味子

茯苓

乾薑

各六兩

甘草

石斛

人參

桂心

芍藥

各五分

巴戟天

麥門冬

乾地黄

旋覆

遠志

各八分

當歸

石韋

芎藭

各四分

附子

二分

地膽

菟絲子

各三分

分

右二十味治下篩酒服方寸匕日三夜一稍加之長

服終身不患癰瘡

治發背方

右用亂髮灰酒服方寸匕亦治癰疽

又方猪脂傳上日四五度亦治發乳

救急方云取猪旱脂切作片冷水浸

帖上暖易之五六十片瘻若初帖少許即寒寒定好眠甚妙

又方三年醋滓微火煎令稠和牛脂傳上

又方猪狗牙燒灰醋和傳上日三四易

又方燒古蚌灰雞子白和傳之日三易

又方飲鐵漿二升取利

又方蛇頭灰醋和傳之日三易

又方燒鹿角灰醋和傳之日四五易

丹毒第四

方論

論曰丹毒一名天火肉中忽有赤如丹塗之色大者如手掌甚者徧身有癢有腫無定色有白丹者肉中腫起癢而復痛微虛腫如吹狀隱軫起也有雞冠丹者赤色而起大者如連錢小者如麻豆粒狀肉上粟粟如雞冠肌理也一名茱萸丹有水丹者由徧體熱起遇水濕搏

之結丹晃晃黃赤色如有水在皮中喜著股及陰處此
雖小疾不治令人至死治之皆用

升麻膏方

升麻

白薇

肘後作
白飲

漏蘆

連翹

芒硝

黃芩

各二
兩

蛇蛻

枳實

各三
兩

薤白

四
兩

梔子

四十
枚

右十味微擣碎以水三升浸半日以豬膏五升煎令

水氣盡去滓膏成傳上諸丹皆用之及熱瘡腫上日

三 經心錄無枳實
以治諸毒腫

升麻湯治丹毒方

升麻

漏蘆

芒硝

各二兩

黃芩

三兩

蒴藿

五兩

梔子

二十枚

右六味咬咀以水一斗浸良久煮取七升冷以故帛

染汁搨諸丹毒上常令濕搨後須服飲子并漏蘆湯

方並見前癰腫條中服之立瘥

小品用治丹
軫諸毒腫

單方

水苔

生蛇銜

生地黄

生菰菜

蒴藋葉

慎火草

五葉藤

豆葉

浮萍

已上取一味單搗塗之

大黃

梔子

黃芩

芒硝

已上取一味下水和用

右十三味或搗成末單用一味立瘥

又方凡天下極冷無過藻菜最冷但有患熱毒腫并丹

等取渠中藻菜細切熟搗傳之厚三分乾即易

治諸丹神驗方

右以芸薹菜熟搗厚封之隨手即消如餘熱氣未愈
但三日內封之使醒醒好瘡止縱乾亦封之勿歇以
絕本余以正觀七年三月八日於內江縣飲多至夜
睡中覺四體骨肉疼痛比至曉頭痛目眩額左角上
如彈丸大腫痛不得手近至午時至於右角至夜諸
處皆到其眼遂閉合不得開幾至殞斃縣令周公以

種種藥治不瘥經七日余自處此方其驗如神故疏之以傳來世云耳

治五色油丹方

俗名油腫若犯者多致死不可輕之

右縛母豬枕頭卧甚良

又方牛屎塗之乾即易

治赤流腫丹毒方

右取榆根白皮為末雞子白和傳之

千金翼又用雞子白和蒲席衣

傳

又方擣大麻子水和傳之

又方以煎羊脂摩之得青羊脂最良

集驗方云治人面
目身體卒赤黑丹

起如疥狀不治日
劇偏身即殺人

治小兒丹毒方

右擣馬齒莧一握取汁飲之以滓傳其上

又方擣赤小豆五合水和取汁飲一合良以滓塗五心

又方濃煮大豆汁塗之良瘥後亦無癢痕

又方臘月猪脂和釜下土傳之乾即易

治小兒五色丹方

右用豬槽下爛泥傳之乾則易

集驗方治
卒赤黑丹

又方擣蘋藿葉傳之

又方服黃龍湯二合并傳患上佳

治小兒白丹方

右用燒豬屎灰雞子白和傳之良

治小兒赤丹方

右擣芸薹葉汁服三合滓傳上良

千金翼云芸薹末
以雞子白和塗之

治小兒赤丹斑駁者方

右以唾和胡粉從外向內傳之

又方鍛鐵屎以豬脂和傳之

又方屋塵以臘月豬脂和傳之

治小兒火丹赤如朱走皮中方

右以醋和豉研傳之

又方鯉魚血傳之良

又方擣荏子傳之良

又方猪尿水和絞取汁服少許良

治小兒天火毒肉中有赤如丹色大者如手甚者徧身或痛或癢或腫方

右用赤小豆二升為末雞子白和如薄泥傳之乾則易便瘥一切丹並用此方皆瘥

又方生麻油塗之

治小兒骨火丹其瘡見骨方

右擣大小蒜厚封之著足踝者是

治小兒殃火丹毒著兩脅及腋下者方

右用伏龍肝為末油和傳之乾則易若入腹及陰以慎火草取汁服之

治小兒尿竈丹初從兩股起及臍間走入陰頭皆赤色者方

右切桑白皮二升以水二升煮取汁浴之良

又方燒李根為灰以田中流水和傳之良

治小兒朱田火丹病一日一夜即成瘡先從背起漸至

偏身如棗大正赤色者方

右用濃煮棘根汁洗之已成瘡者赤小豆末傅之未
成瘡者雞子白和小豆末以傅凡方中用雞子者皆
取先破者用之完者無力

治小兒天竈火丹痛從髀間起小兒未滿百日犯行路
竈君若熱流下令陰頭赤腫血出方

右用伏龍肝搗末雞子白和傅之日三良

又方鯽魚肉

劉五合

赤小豆末

三合

右二味和擣少水和傳之良

治小兒野火丹病徧身皆赤者方

右用油塗之

治小兒茱萸丹病初從背起徧身如細繡一宿成瘡者
方

右用赤小豆為末以粉之如未成瘡者雞子白和以
傳之

治小兒癰竈火丹初從足趺起正赤色者方

右以棗根煮汁沐浴五六度

隱軫第五

論方
灸法

論曰素問云風邪客於肌中則肌虛真氣發散又被寒搏皮膚外發腠理開毫毛淫氣妄行之則為癢也所以有風軫搔癢皆由於此又有赤軫者忽起如蚊蚋咬煩癢極者重沓壘起搔之逐手起又有白軫者亦如此赤軫熱時即發冷即止白軫天陰冷即發白軫宜煮礬石汁拭之或煮薊蕒和少酒以浴之良

姚氏以
治赤軫或煮石南

汁拭之良或水煮雞屎汁或者煮枳實汁拭之良餘一切如治丹方法俗呼為風屎亦名風尸

石南湯治六十四種風淫液走入皮中如蟲行腰脊強直五緩六急手足拘攣隱軫搔之作瘡風尸身癢卒面目腫起手不得上頭口噤不能言方

此方但是隱軫宜服之瘡方見前風

懿篇

治風瘙隱軫心迷悶亂方

天雄

牛膝

桂心

知母

各四分

欽定四庫全書

備急千金要方
卷六十七

十三

桔蘂根

白朮

各五分

防風

六分

人參

二分

乾薑

細辛

各三分

右十味治下節酒服半錢匕加至一匕為度

又方巴豆二兩以酒七升煮取三升故帛染汁拭之大
人小兒以意加減

又方礬石二兩為末酒三升漬令消帛染拭病上

又方吳茱萸一升酒五升煮取一升半帛染拭病上

治搔癢皮中風虛方

枳實

升三

松葉

切一升

獨活

茯苓

黃耆

秦朮

各四兩

丹參

朔藿

各五兩

右八味㕮咀以酒二斗浸六宿每服二合日二稍加之

治風瘙隱軫方

白朮

三兩

戎鹽

礬石

各半兩

黃連

黃芩

細辛

芍藥

茵芋

各一兩

右八味㕮咀以水一斗煮取三升洗之日三良

又方馬蘭子

蒴藋

礬石

芫蔚子

蒺藜子

茵芋

羊桃

篇竹

各二兩

右八味㕮咀以漿水二斗煮取一斗二升內礬石洗之日三

又方蒴藋

防風

羊桃

石南

茵芋

芫花

蒺藜

礬石

各一兩

右八味㕮咀以漿水一斗煮取五升去滓內礬石令小沸溫浴之

又方蛇牀子

升二

防風

兩二

生蒺藜

兩二

右三味咬咀以水一斗煮取五升拭病上日三五遍

又方酪和鹽熟煮摩之隨手即消良

又方石灰淋取汁洗之良

又方白芷根葉煮汁洗之

又方大豆三升酒六升煮四五沸每服一盞日三

又方牛膝為末酒下方寸匕日三并治骨疽癰病

又方芥子末漿服方寸匕日三

又方白朮末酒服方寸匕日三

治隱軫癢痛方

大黃

升麻

黃蘗

當歸

防風

芍藥

黃芩

青木香

甘草

各二兩

楓香

五兩

芒硝

一兩

地黃汁

一升

右十二味咬咀以水一斗煮取三升半去滓下芒硝
令消帛染搗病上一炊久日四五度

治舉體癢痛如蟲嚙癢而搔之皮便脫落作瘡方

蒺藜子

升三

蛇牀子

羌蔚子

升各二

防風

兩五

大戟

斤一

大黃

兩二

礬石

兩三

右七味㕮咀酒四升水七升煮取四升去滓內礬石以帛染拭之

又方灸曲池二穴小兒隨年壯發即灸之神良
治風瘙腫瘡癢在頭面搨洗方

大黃

芒硝

分各四

莽草

二分一作甘草三兩

黃連

分六

黃芩

分八

蒺藜子

合五

右六味咬咀以水七升煮取三升去滓下硝以帛染搦洗日一度勿近目

治身體赤隱軫而癢搔之隨手腫起方

莽草

二分

當歸

芎藭

大戟

細辛

芍藥

芫花

蜀椒

附子

踰躅

各四分

猪膏

二升半

右取十味咬咀以酒漬一宿猪膏煎之候附子色黃膏成去滓以傳病上日三

青羊脂膏治風熱赤軫搔之逐手作瘡方

青羊脂

四兩

甘草

芍藥

各三兩

寒水石

白芷

白芨

黃芩

防風

黃耆

升麻

各四分

竹葉

切

石膏

各一升

右十二味咬咀先以水八升煮石膏竹葉取四升去滓浸諸藥以不中水猪脂二升合煎膏成傳病上良治隱軫百療不瘥者方

右用景天一斤一名慎火草細搗取汁傳上熱炙手

摩之再三度瘡

又方芒硝八兩水一斗煮取四升適寒溫綿染拭之

又方黃連

切

芒硝

各五兩

右二味以水六升煮取半去滓洗之日四五度

治暴氣在表攻皮上隱軫作瘡方

右煮槐枝葉洗之

治小兒患隱軫入腹體腫強而舌乾方

右用蕪菁子為末酒服方寸匕日三

又方蠶沙二升水二升煮去滓洗之良

又方車前子為末粉之良

又方鹽湯洗了以蓼子按傳之

備急千金要方卷六十七

欽定四庫全書

備急千金要方卷六十八 唐 孫思邈 撰

宋 林億等 校正

丁腫方

癰疽第六

論方

論曰癰疽者肉中忽生點子如豆粒小者如黍粟極者如梅李或赤或黑或青或白其狀不定有根不浮腫痛傷之應心根深至肌經久便四面悉腫炮黯熟紫黑色

能爛壞筋骨若毒散逐脉入臟殺人南人名為搨著毒
厚肉處即割去之亦燒鐵烙之令焦如炭或灸百壯或
飲葵根汁或飲藍青汁若犀角汁及升麻汁竹瀝黃龍
湯等諸單方治專去其熱取瘥其病喜著十指故與代
指相似人不識之呼作代指不急治之亦逐脉上入臟
殺人南方人得之皆斬去其指初指頭先作黯胞後始
腫赤黑黯瘳痛入心是也

代指者先腫瘀熱痛色不黯緣爪甲邊結膿劇者爪皆

脫落此謂之代指病也但得一物冷藥汁搨漬之佳若
熱盛服漏蘆湯及搨漬之傳升麻膏亦可針去血不妨
洗漬塗膏也

復有惡肉病者身上忽有肉如赤豆粒突出便長推出
如牛馬乳上如雞冠狀不治自長出不止亦不痛癢此
由春冬時受惡風入肌脉中變成此疾治之宜服漏蘆
湯外燒鐵烙之日日為之令焦盡即以升麻膏傳上積
日乃瘥

又有赤脉病者身上忽有赤脉絡起隴聳如死蚯蚓之狀視之如有水在脉中長短皆逐脉所處此由春冬受惡風入絡脉中其血肉瘀所作也宜五香連翹湯及竹瀝等治之刺去其血仍傳丹參膏亦用白雞屎塗之良惡核病者肉中忽有核累累如梅李核小者如豆粒皮肉瘰癧痛壯熱森索惡寒是也與諸瘡根瘰癧結筋相似其瘡根瘰癧因瘡而生是緩無毒惡核病卒然而起有毒若不治入腹煩悶殺人皆由冬月受溫風至春夏有

暴寒相搏氣結成此毒也但服五香湯主之又以小豆末傳之亦煮湯漬時時洗之消後以丹參膏傳之令餘核盡消凡惡核初似被射公毒無常定處多惻惻然痛或時不痛人不痛者便不憂不憂則救遲救遲即殺人是以宜早防之尤忌魚雞猪牛馬驢等肉其疾初如粟米或似麻子在肉裏而堅似炮長甚速初得多惡寒須臾即短氣取吳茱萸五合作末水一升和之絞取汁頓服以滓傳上須臾服此汁令毒散止即不入腹也入腹

則致禍矣切慎之

凡痛病喜發四肢其狀赤脉起如編繩急痛壯熱其發於脚喜從臍起至踝亦如編繩故云痛病也發於腎喜著腋之下皆由久勞熱氣盛為濕涼所折氣結筋中成此病也若不即治其久潰膿亦令人筋攣縮也若不消潰其熱氣不散多作躄病漏蘆湯主之瀉後鋒針數針去惡血氣針瀉其根核上傳小豆末取消為度又用治丹法治之亦用治癰三味甘草散傳之若潰傳膏散如

癰法

惡核痛病癰疽等多起嶺表中土甚有南方人所食雜類繁多感病亦復不一仕人往彼深須預防防之無法必遭其毒惟須五香湯小豆散吳茱萸皆其要藥

凡附骨疽者以其無破

外臺作故

附骨成膿故名附骨疽喜

著大節解中丈夫產婦喜著脛中小兒亦著脊背大人急著者先覺痛不得動搖按之應骨痛經日便覺皮肉漸急洪腫如肥狀是也小兒纔手近便六腑呼即是肢

節有痛候也大人緩著者先覺肌烘烘然經日便覺痛痺不隨小兒四肢不能動搖亦如不隨狀看肢節解中若有崩烘烘處不知是附骨疽令徧身成腫不至潰體皆有青黯大人亦有不別呼為賊風風腫不知是疽也凡人身體患熱當風取涼風入骨解中風熱相搏便成附骨疽其候嗜眠沈重忽忽耳鳴又秋夏露卧為冷所折風熱伏結而作此疾急者熱多風少緩者風多熱少小兒未知取風冷何故而有此疾由其血盛肌嫩為風

折之即使凝結故也凡初得附骨疽即須急服漏蘆湯
下之傳小豆散得消可服五香連翹湯方見癰疽條中
凡賊風其人體卒無熱中暴風冷即骨解深痛不廢轉
動按之應骨痛久即結痛或結癰癰其附骨疽久即腫
而結膿以此為異宜若治附骨作賊風則增益病深膿
多若治賊風作附骨即加風冷遂成癰癰偏枯攣曲之
疾也療之之效皆在善始耳此非天下至精其孰能與
於此若候附骨與賊風為異者附骨之始未腫但痛而

已其賊風但痛不熱附骨則其上壯熱四體乍寒乍熱
小便赤大便澀而無汗若得下却熱并開發腠理便得
消也縱不消盡亦得浮淺近外凡賊風但夜痛骨不可
按抑不得回轉痛處不壯熱亦不乍寒乍熱多覺身體
索索然冷欲得熱熨痛處即小寬時復有汗出此為賊
風證也宜針灸熨燂諸服治風藥即愈方見風條中
又有風熱毒相搏為腫其狀先腫上生瘰癧如火灼處
名曰風熱毒治之一如丹法

又有洪燭瘡身上忽生癰漿如沸湯灑劇者偏頭面亦有胃脇腰腹腫緩通體如火湯灼癰起者是也治之法急服漏蘆湯下之外以升麻膏傳之其間傳升麻膏若無效一依傳丹方

凡熱瘡起便生白膿黃爛瘡起即淺但出黃汁名肥瘡浸淫瘡者淺搔之蔓延長不止搔癢者初如疥搔之轉生汁相連著是也

癰瘡者初作亦如肥瘡喜著手足常相對生隨月生死

痛癢圻裂春夏秋冬隨瘥劇者是也

有久癰餘瘡敗為深疽者在腠脛間喜生瘡中水惡露
寒凍不瘥經年成骨疽亦名胛瘡深爛青黑四邊堅彊
中央膿血汁出百藥不瘥汁潰好肉處皆虛腫亦有碎
骨出者可溫赤龍皮湯漬

方見七十
卷腸癰篇

夏月日日洗冬月

四日一洗青肉多可傳白藺茹散食去惡肉可三日傳
之止後長傳家猪屎散得瘥止取猪屎燒灰作末如粉
致瘡中令滿白汁出吮去隨更傳之瘥止若更青肉復

著白蘭茹散如前法家猪屎散取平復凡骨疽百療不
瘥者可瘡上以次灸之三日三夜便瘥如瘡不瘥瘥而
復發骨從孔中出者名為骨疽取先死烏雌雞一隻去
肉取骨熬焦如炭取三家牛楮木刮取屑三家甌單各
一兩皆燒成炭合導瘡中碎骨當出數片瘥

治癰疽祕方

射干

甘草

枳實

升麻

乾地黄

黃芩

各二兩

麝香

二分

前胡

三分

犀角

分六

大黃

分十

右十味咬咀以水九升煮取三升下大黃一沸去滓
內麝分三服瘥止不限劑數此方世所不傳神良無

比

外臺無黃芩云翼深師加黃芩麻黃白薇枳實升麻松葉

治癰疽諸疽十指頭爛赤癢痛方

千金翼名猪蹄湯

白芷

大黃

芫薺

黃芩

黃連

甘草

細辛

藁本

當歸

藜蘆

莽草

各一兩

右十一味咬咀以水二斗先煮猪蹄一具取一斗煮藥取五升浸瘡即瘥

治癰疽浸淫多汁日漸大方

黃連

二兩

胡粉

甘草

藺茹

各二分

右四味治下節以粉瘡上日三四度

治癰疽著手足肩背累累如米起色白刮之汁出瘥後

復發方

黃耆

六分

升麻

四分

款冬花

二分

附子

苦參

范注
無

赤小豆

各一
分

右六味治下篩酒服方寸匕稍加日三服

又方虎屎白者以馬屎和曝乾燒為灰粉之良

又方青木香

滑石

龍骨

各三
兩

胡粉

一
兩

米粉

一
升

右五味為末稍以粉病上日三

又方竈屋塵

竈突墨

釜下土

各一
升

右三味合研令勻以水一斗煮三沸取汁洗日三四

度

治癰疽著手足肩背忽發累累如赤豆剥之汁出者方

鯽魚

長三寸者

亂髮

雞子大

猪脂

升一

右三味煎為膏傳之

又方熬蕪菁子擣碎帛裹展轉傳上良

又方以麻子熬作末摩上良

又方酒和麴傳之

又方以猪膽傳之良

又方剥去瘡痂溫醋泔清洗之以胡燕窠和百日男兒尿如膏傳之

又方亂髮灰服方寸匕日三亦治發背

又方煮芸薹菜取汁一升服之并食乾熟芸薹數頓少與鹽醬冬月研子水和服之

又方枸杞根并葵根葉煮汁煎令如糖隨意服之

又方臘月糖晝夜連浸數日乃愈

治疽潰後方

以鹽湯洗拭了燒皂莢灰粉上良

又方以牛耳中垢傳之良

又方梁上塵和車軋中脂傳之

又方以生麻油滓綿裹布瘡上蟲出

又方以沸湯灌瘡中三四遍

湯一作錫

治疽似癰而小有異膿如小豆汁今日去明日滿者方
右用芸薹熟搗濕布袋盛之埋熱灰中更互熨之不
過再三度安瘡冬用乾者

又方皂莢煎湯洗瘡拭乾以藥皮為末傳之勿令作痂
治疽卒著五指筋急不得屈伸者方

右灸踝骨中央數十壯或至百壯

治風疽方

凡脚腫及曲臑中癢搔則黃汁出是也灸法見後

右以青竹筒一枚徑一寸半長三尺當中著大豆一
升以糠馬屎二物燒為火當竹筒中燒之以器承兩
頭取汁先以泔清和鹽熱洗瘡了即塗豆汁不過三
度極效

又方嚼胡麻傳以綿裹之日易神良

治石疽狀如瘰癧而皮厚方

右擣穀子傳之亦治金瘡

治久癰瘡敗壞成骨疽方

右用末龍骨粉瘡四面厚二分以膏著瘡中日二易
蟲出如髮盡愈膏方如左

大蝦蟆

一枚自死者

亂髮

一塊雞子大

豬脂

一斤

右三味取一味內脂中煎略消盡下待冷更內鹽一

合攪和充前用

治瘡久不瘥瘥而復發骨從孔中出名為骨疽方

以豬膽和楸葉擣封之

又方擣白楊葉末傳之

又方擣蕪菁子傳之帛裹日一易

又方穿地作坑口小裏大深三尺取乾雞屎二升以艾及荊葉擣碎和雞屎令可燃火坑中燒之令煙出內疽於坑中熏之以衣擁坑口勿洩氣半日當有蟲出甚效

治附骨疽方

槲皮燒末飲服方寸匕

又方新剥鼠皮如錢孔大貼腫上即膿出已潰者取猪脊上脂貼之

又方灸間使後一寸隨年壯立瘡

治久疽方

右用鯽魚破腹勿損內白鹽於腹中以針縫之於銅器中火上煎令乾作末傳疽瘡中無膿者以猪脂和

傳上小疼痛無怪也十日瘡

苦瓠散治浸淫瘡方

瘡表裏相當名浸淫瘡

苦瓠

一兩

蜂房

蛇蛻

各半兩

大豆

半合

梁上塵

一合

右五味治下篩以粉為粥和傳紙上貼之日三

古今錄無

大豆

又方以煎餅乘熱搗之亦治細癬

又方猪牙車骨年久者槌破燒令脂出熱塗之

又方取苦楝皮若枝燒作灰傳上乾者豬脂和塗之并
治小兒禿瘡及諸惡瘡

治癰瘡方

右用醋一升温令沸以生薤一把內中封瘡上瘡為
度

又方搗桃葉和鯉魚鮓糝封之亦可以鮓傳上

又方炒臘月糖傳之

又方燒故履系為末傳之

又方燒松根取脂塗之

治燥瘍方

右用醋和灰塗之

又方熱牛尿塗之

治濕瘍方

右燒乾蝦蟆豬脂和傳之

治瘍病百療不瘥方

棟實

升一

桃皮

苦參

地榆根

各五

兩

右四味咬咀以水一斗煮取五升稍溫洗之日一度
治久癰疥濕瘡浸淫日廣癢不可堪搔之黃汁出瘡後
復發方

右用羊蹄根淨去土細切熟熬以醋和熟擣淨洗瘡
傳上一時間以冷水洗之日一度又陰乾作末癢時
搔則汁出以粉之又以生蔥根搯之

千金翼
無蔥字

治一切癰瘡

凡脚腫及曲脈中癢搔
則黃汁出是名風疽

右灸足大趾竒間二七壯又灸大趾頭亦佳

治諸瘡因風致腫方

右燒白茅灰溫湯和厚三分傳瘡上乾即易五六度
瘡

又方櫟根皮三十斤剉以水三斛煮令熱下鹽一把令
的的然熱以浸瘡當出膿血日日為之瘡止

治惡露瘡方

以搗薤菜傳瘡口以大艾炷灸藥上令熱入內即瘡

治惡瘡方

礬石

松脂

亂髮

蠟

各二分

猪膏

四兩

右五味煎髮候消內礬石次內松脂次內蠟去滓先刮洗瘡令淨然後用藥塗之日再三不痛久瘡時愈新瘡遲愈癰疥癢瘡頭禿皆即愈生髮勝飛黃膏

又方燒篇竹灰和楮白汁塗之

又方羊屎麻根燒煙斷膏和封上有汁者乾傳之

又方麪一升作餅大小以覆瘡灸上令熱汁出盡瘡
治惡瘡似火爛洗湯

右用白馬屎曝乾以河水和煮十沸絞取汁洗之

治惡瘡其大如錢名曰馬疥方

右以水漬自死蛇一頭令爛去骨以汁塗之隨手瘡
治惡瘡十年不瘥似癩者方

右用蛇蛻皮一枚燒為末下篩猪脂和傅之醋和亦
得

又方苦瓠一枚咬咀煮取汁洗之日三度又煎以塗癰
甚良當先以泔淨洗乃塗三日瘥

又方燒猥猪屎傳之

又方鹽湯洗擣地黃葉貼之

又方燒葭苕子為末傳之

又方燒鯽魚灰和醬清傳之

烏膏治惡瘡方

雄黃

雌黃

芎藭

升麻

烏頭

防已

竹灰

黃連

黃蘗

水銀

各二兩

胡粉

一分

蠟

三兩

杏仁

三十枚

巴豆

二十枚

松脂

亂髮

各一雞子

大

右十六味咬咀以豬膏三升急煎令髮消去滓停小冷入真珠三錢匕攪令相得以傳之凡用膏先淨洗

瘡拭乾乃傳上傳訖以赤石脂黃連散粉之

千金翼無竹灰

水銀

蠟

治種種諸瘡不愈者方

水銀

一兩

黃連

二兩

京墨

三分

右三味治下節以不中水豬膏和傳上不過再三度
瘡神良若欲多作任人水銀大須熟研其藥惟不治
金瘡

治反花瘡并治積年諸瘡方

右取牛蒡根熟搗和臘月豬脂封上瘡止并治久不
瘡諸腫惡瘡漏瘡等皆瘡

又方取馬齒菜搗封上瘰止

又方取蜘蛛膜貼上數易之瘰止

治身瘡及頭瘡不止方

右取菖蒲為末傳上日三夜二

治瘡久不瘰方

蕪荑

藜蘆

各一兩

薑黃

青礬

雄黃

各一分

苦參

沙參

各三分

附子

一枚

右八味治下節先以藍汁洗瘡去痂乾拭傳上小兒

一炊久剥去之大人半日纔剥再傳不過三四度愈
治諸瘡久不瘥并治六畜方

右用棗膏三升水三斗煮取一斗半數洗取愈

治代指方

右用甘草二兩咬咀水五升煮取一升半漬之

若無用芒

代硝

又方以唾和白硃砂先搜麪作椀子盛唾次著硃砂如
唾許以爪甲著中一日瘥

又方以毛雞黃土作泥泥指上厚五分許內糖灰中煨之令熱可忍泥乾即易不過數度瘥

又方刺指熱飯中二七遍

又方以麻沸湯漬之即愈

又方單煮地榆湯漬之半日

又方取姜黃蔥葉煮沸漬之

又方以蜀椒四合水一升煮三沸漬之

又方先刺去膿血炙魚鮓皮令溫以纏裹周匝痛止便愈

治指痛欲脫方

右用豬脂和鹽煮令消熱內指中一食久住

千金翼和乾薑

治手足指掣痛不可忍方

右用醬清和蜜溫塗之

又方灸指端七壯立瘥

治手足指逆臚方

此緣臚上搔頭所致

右還坐廁上以指到將二七下即瘥

又方青珠

一分

乾薑

二分

右二味搗以粉瘡上日三

治手足皴裂逆臚代指方

右酒搗猪脰洗之慎風冷

治冬月冒涉凍凌面目手足皴瘡及始熱痛欲瘡者方

右取麥窠煮令濃熱洗之

治凍指瘡欲墮方

右用馬屎三升以水煮令沸漬半日愈

治手足皴坼破裂血出疼痛方

右用猪脂著熱酒中洗之

治手足皴痛方

右用煮茄子根洗之

又方芫蕒

三分

蜀椒

二分

白芷

防風

鹽

各一兩

右五味㕮咀以水四升煎取濃塗之或猪脂煎更良

治尸脚方

凡人脚無冬夏常折裂者是

右用雞屎一升水二升煮數沸停水冷漬半日瘥止

亦用馬屎忌踏酒吐及婦人穢血

又方烱膠膠乾故帛貼方

治割甲侵肉不瘡方

右以硃砂礬石為末裹之以瘡為候

又方搗鬼針草苗汁鼠黏草根和臘月猪脂傳之

備急千金要方卷六十八

欽定四庫全書

子部

備急千金要方卷

六十九至
七十一

詳校官太醫院恩禮臣袁天錫

編修臣倉聖脈覆勘

總校官中書臣朱鈐

校對官中書臣胡紹基

謄錄監生臣劉文耀

欽定四庫全書

備急千金要方卷六十九

唐 孫思邈 撰

宋 林億等 校正

痔漏方

九漏第一

瘰癧附論
方灸法

論曰夫九漏之爲病皆寒熱瘰癧在於頸腋者何氣使
生此皆鼠瘻寒熱之毒氣也提留於脉而不去者也鼠
瘻之本皆根在於臟其末上出於頸腋之下其浮於脉

中而未著於肌肉而外為膿血者易去去之奈何曰請
從其末引其本可使衰去而絕其寒熱審按其道以予
之徐從末以去之其小如麥者一刺之三刺已決其死
生奈何曰反其目視其中有赤脉從上下貫瞳子見一
脉一歲死見一脉半一歲半死見二脉二歲死見二脉
半二歲半死見三脉三歲死赤脉不下貫瞳子可治也
凡項邊腋下先作瘰癧者欲作漏也宜禁五辛酒麪及
諸熱食凡漏有似石癰累累然作瘰癧子有核在兩頸及

腋下不痛不熱治者皆練石散傳其外內服五香連翹
湯下之已潰者治如癰法諸漏結核未破者火針針使
著核結中無不瘥者何謂九漏一曰狼漏二曰鼠漏三
曰螻蛄漏四曰蠱漏五曰蚘蛄漏六曰蟻螬漏七曰浮
沮漏八曰瘰癧漏九曰轉脉漏

空青商陸散治狼漏始發於頸腫無頭有根起於缺盆
之上連延耳根腫大此得之憂恚氣上不得下其根在
肝一作肺空青主之商陸為之佐方

空青

蛻腦

各二分

蛻肝

乾一具

芎藭

半分

獨活

黃芩

鼈甲

婦人蓂草

商陸

斑貓

乾薑

地膽

當歸

茴香

礬石

各一分

蜀椒

三十粒

右十六味治下篩酒下方寸七日三服十五日

狸骨知母散治鼠漏始發於頸無頭尾如鼯鼠

闕

熱

脫肉此得之食有鼠盡不去其根在胃狸骨主

闕

為之佐方

狸骨

知母

桂心

鮫鯉

山龜殼

甘草

雄黃

乾薑

各等分

右八味治下節飲服方寸七日三仍以蜜和內瘡中無不瘥先灸作瘡後以藥傅之已作瘡不用灸地黃膏治鼠漏瘡瘥復發及不愈出膿血不止方

右以不中水豬脂咬咀生地黃內脂中令脂與地黃足相淹和煎六七沸其瘡先用桑灰汁洗去惡汁次以地黃膏傅上日一易

治鼠漏方

右用蛇虺所吞鼠燒末服方七日再不過三服此大驗但難遇耳并傳瘡中佳

又方死鼠

一枚中形者

亂髮

如鷄子大一枚

右二味以臘月猪脂煎之令消盡膏成分作二分一分稍稍塗瘡一分稍稍酒服之瘥鼠子當從瘡中出良

荏子桔梗圓治螻蛄漏始發於頸項狀如腫此得之食

瓜菓實毒不去其根在大腸莖子主之桔梗為之佐方

莖子

龍骨

各半兩

附子

一兩

蜀椒

百粒

桂心

桔梗

乾薑

礬石

獨活

芎藭

各一分

右十味為末以棗二十枚合搗醋漿和丸如

關

漿下五丸加至十丸

雄黃黃芩散治蜂漏始發於頸瘰癧三四處俱相連以
潰此得之飲流水中有風毒不去其根在脾雄黃主之

黃芩為之佐方

雄黃

黃芩

各一兩

蜂房

具一

茴香

吳茱萸

乾薑

各半兩

蜀椒

二百粒

鼈甲

右八味治下篩傳瘡口上日一度十日止

礬石防風散治蚬蟬漏始發於頸初得如瘍寒此得之
食中有蚬蟬毒不去其根在腎礬石主之防風為之佐
方

礬石

防風

知母

雌黃

桃白皮

乾地黄

獨活

青黛

斑猫

白芷

松脂

一作
栝脂

芍藥

海藻

當歸

各一分

白朮

蜎皮

各四分

蜀椒

百粒

右十七味治下節飲服一錢匕日三

礬石白朮散治瘰癧漏始發於頸下無頭尾如棗核塊
累移在皮中使人寒熱心滿此得之因喜怒哭泣其根
在心礬石主之白朮為之佐方

礬石

白朮

空青

當歸

細辛

一兩

蝟皮

斑猫

枸杞

地膽

各一分

乾烏腦

三七豆許

右十味治下篩以醋漿服方寸匕日三病在上側輪
卧在下高枕卧使藥流下

地膽甘草散治浮沮漏始發於頸如兩指使人寒熱欲
卧此得之因思慮憂懣其根在膽地膽主之甘草為之
佐方

地膽

雄黃

乾薑

續斷

石決明

菴闍根

龍膽

各三分

細辛

二分

大黃

半分

甘草

一分

右十味治下節傳瘡日四五度

古今錄驗無雄黃有硫黃

雌黃芍藥圓治瘰癧漏始發於頸有根初苦痛令人寒熱此得之因新沐濕結髮汗流於頸所致其根在腎雌黃主之芍藥為之佐方

雌黃

芍藥

茯苓

續斷

乾地黄

空青

礞石

乾薑

桔梗

蜀椒

恒山

虎腎

狸肉

烏腦

斑猫

礞石

各一分

附子

一兩

右十七味為末蜜丸如大豆酒服十九日二

斑猫白芷圓治轉脉漏始發於頸濯濯脉轉苦驚身

振寒熱此得之因驚臥失枕其根在小腸

集驗作心

斑猫

闕

之白芷為之佐方

斑猫

白芷

綠青

大黃
各二

升麻

鍾乳

甘草

防風

地膽

續斷

麝香

礞石
各一

人參

當歸

桂心
各二

白朮

麥門冬

各一

右十七味為末蜜丸如大豆酒服十九日三勿食菜

慎房室百日

外臺無大黃桂心
麥門冬白朮鍾乳

治九漏方

空青

商陸

知母

狸骨

桔梗

防風

荏子

礬石

黃芩

白芷

芍藥

甘草

雌黃

白朮

礬石

地膽

斑貓

雄黃

各等分

右十八味為末蜜丸如大豆以酢服三丸三十日知
四十日愈六十日平復百日内慎房室

一方為散醋服一刀圭日

二老
小半

又方蝟皮半枚

鮫鯉甲

樗雞各四枚

蜥蜴

蜈蚣各一枚

蜀椒

附子

當歸

蜂房

地榆

桂心

通草

乾漆

牡丹

薏苡仁

蒺藜子

漏蘆一作藿蘆

龍膽一作龍骨

土瓜各三分

斑猫四分

蛇牀子

苦參

大黃

雄黃

蛇蛻皮

蘭茹

細辛各二分

鶴骨六分

右二十八味治下篩酒服五分匕以知為度日二服

又方斑猫

七十枚

蝟皮

真珠

雄黃

各一分

右四味治下篩酒服半錢七日三

又方末成鍊松脂填瘡孔令滿日三四度七日瘡有神

驗

又方斑猫

二十七枚

雄黃

桂心

犀角

各一兩

右四味治下篩酒服一錢七日再服病從小便出

又方馬齒莧

陰乾

臘月燭燼

各等分

右二味為末以臘月猪脂和其瘡先以暖泔清洗淨

拭乾然後以藥傅之日三

又方乾牛屎

乾人屎

各等分

右二味擣先用綿裹瘡上綿上著屎蟲聞屎香即出
若癢即舉綿去之更別取屎及綿著其上如前蟲盡
乃止

又方苦瓠四枚大如盞者各穿一孔如指大置湯中煮
十數沸取一竹筒長一尺一頭內瓠孔中一頭注瘡孔
上冷則易之徧止

治一切漏方

斑猫

四十枝

豉

四十粒

元青

二十枝

生大豆黃

地膽

各十枝

蜈蚣

一升半

犀角

牛黃

各棗核大

右八味為末蜜丸如梧子大飲服二丸須臾多作酸漿粥冷飲之病從小便出尿盆中相視如有蟲形狀又似膠汁此病出也間日一服飲粥如常小弱者隔三四日候無蟲出瘡漸瘥特忌油膩一切器物皆須灰洗乃作食

崔氏云治九漏初服藥少夜食明旦服二丸至七日甚虛悶可煮食蔓菁菜羹

自餘脂膩醋口味果子之類並不得食人強隔日一服人弱兩三日一服瘥後仍作二十日將息便不須服

又方煮鹽花以麪攤病上內鹽花麪匡中厚二寸其下以桑葉三重藉鹽候冷熱得所可忍冷則無益熱則以肉一日一度候瘰癧根株勢消則止若已作瘡者搗稬穀為末粉之

又方槲北陰白皮三十斤剉碎以水一石煮取一斗去滓煎如糖又取都廁上雌雄鼠屎各十四枚燒令汁盡

為末內煎中又溫酒一升投煎中合攪之羸人服五合
當有蟲出

又方霜下瓠花曝乾為末傅之

又方擣土瓜根傅之燥則易不限時節

又方死蛇去皮肉取骨為末合和封瘡上大痛以杏仁
膏摩之止

又方死蛇和臘月猪脂合燒灰為末內孔中

又方燒死蟻娘為末醋和塗又死蛇灰醋和傅之

又方故布裏鹽如彈丸大燒令赤為末酒服

又方服白馬屎汁一升

又方水研杏仁服之

又方猪脂一升酒五合煎沸頓服之

又方鹽麴和燒灰傅之

又方正月雄狐屎陰乾擣末水和服

治漏作瘡孔方

右用露蜂房為末臘月猪脂和傅孔上

治漏發心胃以下者方

松脂

武都雄黃

各三兩

右二味和為塊刀子刮為散飲服一方寸七日二不
瘥更合

治漏方

鍛落鐵屑

狗頰車連齒骨

炙

虎糞

鹿皮

合毛燒為灰各等分

右四味治下篩以猪膏和內瘡中須臾即易日五六

度

治一切冷瘻方

右用燒人所吐蛔蟲為灰先用甘草湯洗去瘡惡然後著灰無不瘥者慎口味

治鼠瘻腫核痛未成膿者方

右以栢葉傳腫上熬鹽著葉上熨之令熱氣下即消
治風漏及鼠漏方

赤小豆

白欬

黃耆

牡蠣

各等分

右四味治下篩酒服方寸匕日三

治螻蛄瘰方

右先以泔清煮槲葉取汁洗瘡拭乾次以槲葉灰內

瘡中

治蜂瘰方論

初生狀如桃而癢搔之則引大如雞子如覆手者熬
鹽熨之三宿四日不瘥至百日成瘰其狀大如四五
寸石廣三寸中生蜂作孔乃有數百以石硫黃隨多

少燃燒令汁出著瘡孔中須臾間見蜂數十蜂盡乃
瘥

治蜂癰方

以人屎蛇蛻灰臘月猪膏和傅之

又方鷄頭灰傅之

又方取蜂窠燒灰臘月猪膏和傅孔中

治蟻漏孔容針亦有三四孔者方

右用蝟皮肝心燒灰為末酒服一錢匕

又方死蛇腹中鼠取臘月猪脂煎候焦去滓傳之

又方取大鯊鮓燒耕垡土令赤以苦酒浸垡土時合壁土故熱以鯊鮓著壁土上展轉令熱傳瘡上

又方鮫鯉甲二七枚燒末以猪膏和傳瘡上

又方半夏一枚搗末以鴨脂和傳瘡上

治療瘰癧橫闊作頭狀若杏仁形亦作瘰癧方

右用雄雞屎燒灰臘月猪脂和封之

治蜣螂瘻方

右用牛屎燒灰臘月猪脂和傳之

又方蜣螂丸

即蜣螂所食屎也

為末傳之

又方乾牛屎為末傳之癢即撥却更厚封瘡乃止

又方熱牛屎塗之數易應有蜣螂出

治蚯蚓瘻方

雞屎

蚯蚓屎

右二味為末用社猪下頷髓和傳之

治蠍瘻五六孔皆相通者方

右搗茅根汁著孔中

治蝦蟇瘻方

右用五月五日蛇頭及野猪脂同水衣封之佳

治蛇瘻方

右用蛇蛻皮燒灰臘月猪脂和封之

治蛙瘻方

右用蛇腹中蛙燒灰封之

治顛當瘻方

以搗土瓜根傅至瘥慎口味

治雀癰方

右取母猪屎燒灰臘月猪膏和傅上當有蟲出如雀形

治膿癰方

右用桃花末以猪脂和封之佳

治石癰兩頭出者其狀堅實令人寒熱方

右以大鉞針破之次用鼠粘葉二分為末和雞子白

一枚封之

又方擣槐子和井花水封之

灸漏法

葶藶子

二合

豉

一升

右二味和擣令極熟作餅子如大錢厚二分許取一枚當瘡孔上作大艾炷如小指大灸餅上三炷一易

三餅九炷隔三日復一灸之

外臺灸瘰癧古今錄驗云不可灸頭瘡葶藶氣入

人腦殺

又方擣生商陸根捻作餅子如錢大厚三分安漏上以

艾灸餅乾易之灸三四升艾瘥

外臺灸瘥癰

又方七月七日日未出時取麻花五月五日取艾等分

合擣作炷用灸瘡上百壯

外臺灸瘥癰

九漏灸肩井二百壯

漏灸鳩尾骨下宛宛中七十壯

諸漏灸瘻周四畔

瘥 諸惡漏中冷息肉灸足內踝止各三壯二年六壯

寒熱胃滿頸痛四肢不舉腋下腫上氣胃中有音喉中

鳴天池主之

寒熱頸頷腫後谿主之

寒熱酸痛四肢不舉腋腫馬刀瘻喉痺髀膝脛骨
搖酸痺不仁陽輔主之

寒熱脛腋腫申脉主之

冒中滿腋腫馬刀瘻善自齧舌頰天牖中腫寒熱胸
脇腰膝外廉痛臨泣主之

寒熱頸腫丘墟主之

腋腫馬刀肩腫吻傷太衝主之

寒熱頭瘰癧大迎主之

五白膏治鼠漏及瘰癧方

白馬屎

白牛屎

白猪屎

白羊屎

白雞屎

各一升漏蘆二斤

右六味各於石上燒作灰研絹篩之以猪膏一升三

合煎亂髮一兩半令極沸盡消乃內諸末微火上煎

五六沸藥成去瘡痂以鹽湯洗新帛拭乾然後傅膏

若無痂猶須湯洗日再若著膏當以帛裹上勿令中

風冷神驗

曾青散治寒熱瘰癧及鼠瘻方

曾青

荏苒子

礬石

一作礬石

附子

各半兩

枯薑根

露蜂房

當歸

防風

芎藭

黃耆

黃芩

狸骨

甘草

各二兩

細辛

乾薑

各一兩

斑猫

元青

各五枚

右十七味治下篩以酒服一方寸七日再

治寒熱瘰癧方

土瓜根

連翹

龍膽

黃連

枯蕒根

苦參

芍藥

恒山

各一兩

右八味治下篩酒服五分七日三

千金翼外臺有狸骨一枚又千方翼

一方有當歸
無枯蕒恒山

薔薇圓治身體有熱氣瘰癧及常有細瘡并口中生瘡
方

薔薇根

三兩

黃耆

黃芩

鼠李根皮

枯萋根

芍藥

苦參

石龍芮

防風

一作防已

白欬

龍膽

各一兩

梔子仁

四兩

右十二味為末蜜丸如梧子大飲服十五丸日再

千金

翼有黃藥一兩

治療癰方

右用白殭蠶治下篩水服五分七日三服十日瘥

又方狸頭一枚炙擣篩飲服方寸匕日二

又方故鞋內蘊替燒末五匕和酒一升平旦向日服之

強行須臾吐鼠出三朝服

外臺不同

又方狸頭蹄骨等炙黃擣篩為散飲服一錢七日二

又方猫兩眼陰乾燒灰井花水服方寸七日再

又方乾猫舌為末傅瘡上

又方狼屎灰傅之

又方狐頭狸頭灰傅之

又方五月五日取一切種種雜草煮取汁洗之

又方猫腦

莽草

右二味各等分為末著孔中

灸瘰癧法

一切瘰癧在項上及觸處但有肉結疑似作癭及癰
癰者以獨頭蒜截兩頭留心大作艾炷稱蒜大小帖
瘰癧上灸之勿令上破肉但取熱而已七壯一易蒜
日日灸之取消止一切瘰癧灸兩胯裏患瘰癧處宛宛
中日一壯七日止神驗 又灸五里人迎各三十壯
又灸耳後髮際直脉七壯 又灸患人背兩邊腋

下後文上隨年壯

備急千金要方卷六十九

欽定四庫全書

備急千金要方卷七十 唐 孫思邈 撰

宋 林億等 校正

痔漏方

腸癰第二

論方
灸法

論曰卒得腸癰而不曉其病候愚醫治之錯則殺人腸
癰之為病小腹重而強抑之則痛小便數似淋時時汗
出復惡寒其身皮皆甲錯腹皮急如腫狀其脉數者小

有膿也

巢源云數者已有膿也

其脉遲緊者未有膿也甚者腹脹

大轉側聞水聲或遶臍生瘡或膿從臍中出或大便出

膿血

問曰官羽林婦病醫脉之何以知婦人腸中有膿為下之即愈師曰寸口脉滑而數滑則為實數則為熱滑則為榮數則為衛衛數下降榮滑上升榮衛相干血為濁敗小腹痞堅小便或澀或復汗出或復惡寒膿為已成設脉遲緊即為瘀血血下則愈

大黃牡丹湯治腸癰方

大黃

四兩

牡丹

三兩

芒硝

二兩

瓜子

一升

桃仁

五十枚

右五味㕮咀以水五升煮取一升頓服當下膿血

刪繁

方用芒硝半合瓜子五合劉涓子用消石三合云腸癰之病小腹痞堅或偏在膀胱左右其色或白堅大如掌熱小便欲調時白汗出其脉遲堅者未成膿可下之當有血脉數膿成不復可下肘後名瓜子湯

腸癰湯方

牡丹

甘草

敗醬

生薑

茯苓

兩各二

桔梗

薏苡仁

麥門冬

兩各三

丹參

芍藥

兩各四

生地黃

兩五

右十一味咬咀以水一斗煮取三升分三服日三

又方薏苡仁升

牡丹皮

桃仁

兩各三

瓜瓣仁

升二

右四味咬咀以水六升煮取二升分再服

姚氏不用桃仁用杏

仁崔氏有芒硝二兩云腹中疼痛煩毒不安或脹滿不下飲食小便澀此病多是腸癰人多不識婦人產

後虛熱者多成此病縱非癰疽但是便服此湯無他損也

又方雄雞頂上毛并屎燒作末空心酒服之

又方截取檐頭尖少許燒灰水和服當作孔出膿血取愈凡腸癰其狀兩耳輪文理甲錯初患腹中苦痛或繞臍有瘡如粟皮熱便膿血出似赤白下不治必死方

馬蹄灰以雞子白和塗即拔氣不過再

又方瓜子三升搗末以水三升煮取一升五合分三服
又方死人塚上土作泥塗之

治內癰未作頭者方

右用伏雞屎服之即瘥

又方馬牙灰雞子和塗之乾則易

灸腸癰法

屈兩肘正灸肘頭銳骨各百壯則下膿血卽瘥

論曰產後宜勤濟乳不宜令汗蓄積蓄積不去便結不復出惡汗於內引熱溫壯結堅牽掣痛大渴引飲乳急痛手不得近成妬乳非癰也急灸兩手魚際各二十七壯斷癰脉也不復惡手近乳汁亦自出便可手助運捋之則乳汁大出皆如膿狀內服連翹湯外以小豆薄塗

之便瘥

婦人女子乳頭生小淺熱瘡癢搔之黃汁出浸淫為長百種治不瘥者動經年月名為妬乳婦人飲兒者乳皆欲斷世謂苟抄乳是也宜以赤龍皮湯及天麻湯洗之傳二物飛烏膏及飛烏散佳若始作者可傳黃芩漏蘆散及黃連胡粉散並佳

赤龍皮湯方

右用槲皮切三升以水一斗煮取五升夏冷用之冬

溫用之分以洗乳亦洗諸深敗爛久瘡洗竟傳膏散
天麻湯方

右用天麻草切三升以水一斗半煮取一斗隨寒熱
分洗乳以殺癢也此草葉如麻冬生夏著花赤如鼠
尾花也亦以洗浸淫黃爛熱瘡癢疽濕陰蝕小兒頭
瘡洗竟傳膏散

飛烏膏方

傾粉

是燒朱砂作水銀上
黑烟也一作細粉

礬石

各三兩

右二味為末以甲煎和如脂以傅乳瘡日三傅作散者不須和汁自著者可用散及諸熱瘡黃爛瘡浸淫汁癢丈夫陰蝕癢濕瘡小兒頭瘡月蝕口邊肥瘡癰瘡等並皆主之

黃連胡粉散

黃連

二兩

胡粉

十分

水銀

一兩

右三味黃連為末相和炙皮裏熟按之自能和合縱不得成一家亦得水銀細散入粉中也以傅乳瘡諸

濕瘡黃爛肥瘡等若乾著甲煎為膏

治妬乳乳生瘡方

蜂房

猪甲中土

車轍中土

各等分

右三味為末苦酒和傳之

鹿角散治婦人乳生瘡頭汁出疼痛欲死不可忍者方

鹿角

三分

甘草

一分

右二味治下篩和以雞子黃於銅器中置溫處灸上傳之日再即愈神驗不傳

治妬乳方

右以葵莖灰搗篩飲服方寸匕日三即愈

集驗方直搗為散不

為灰

又方燒自死蛇為灰和以猪膏塗之大良

灸法

右以蒲黃度口以度從乳上行灸度頭二七壯

論曰產後不自飲兒并失兒無兒飲乳乳蓄喜結癰不飲兒令乳上腫者以雞子白和小豆散傳乳房令消結

金匱要略卷之十一
也若飲兒不泄者數捻去之亦可令大孩子含水使口中令為嘔取滯乳汁吐去之不含水漱去熱喜令乳頭作瘡乳孔塞也

凡女人多患乳癰年四十以下治之多瘥年五十已上慎勿治治之多死不治自得終天年

連翹湯治妬乳乳癰方

連翹

芒硝

各二兩

芍藥

射干

升麻

防己

杏仁

黃芩

大黃

柴胡

甘草

各三兩

右十一味㕮咀以水九升煮取二升五合分三服

治乳癰方

麥門冬

一升

黃芩

芍藥

茯苓

各二兩

桑寄生

人參

黃耆

防風

甘草

各三兩

粘糖

八兩

大棗

五枚

右十一味㕮咀以水一斗煮取三升去滓內糖一沸

分四服

又方先服前件湯五日後服此九即愈方

天門冬

五兩

澤蘭

五兩

大黃

十分

升麻

六分

羌活

桑寄生

防風

人參

黃耆

乾地黄

白芷

通草

各二分

黃芩

枳實

五味子

茯苓

天雄

芎藭

當歸

各一兩

右十九味爲末蜜丸酒服二十丸日二加至四十九

治乳癰始作方

廣濟方云治乳癰大堅硬赤紫色衣不得近痛不可忍者

大黃

棟實

芍藥

馬蹄

各等分

右四味治下節飲服方寸匕取汗出瘥

廣濟方云酒服方寸匕覆

取汗當睡著覺後腫處散不痛經宿乃消

排膿散治乳癰除惡肉方

茯苓

鐵精

桂心

細辛

黃芩

防已

一作防風

芍藥

人參

乾薑

芎藭

當歸

各三分

甘草

五分

右十二味治下節酒服方寸匕日三夜一服藥十日

膿血出多勿怪

又方生地黄

三升

芒硝

三合

鼓

一升

右三味合搗傳上熱即易之取瘡止一切癰腫皆用

之

一方單用地黃傳之

治妬乳乳癰腫方

右取研米槌二枚炙令熱以絮及故帛揅乳上以槌更互熨之瘡止已用立效

治乳癰堅方

右以水罐中盛醋泔清燒石令熱內中沸止更燒如
前少熱內乳漬之及冷更燒石內漬不過三度燒石
愈

又方黃芩

白飲

芍藥

各等分

右三味為末以漿水飲服半錢匕日三若左乳汁結
者即將去右乳汁若右乳汁結者可將去左乳汁

小品

云治
妬乳

治乳癰方

大黃

鼠屎

新者各一分

黃連二分

右三味搗為末以黍米粥清和傅乳四邊痛止即愈
無黍米粟米粳米亦得

又方大黃

莽草

各二分

伏龍肝

十二分

生薑

二分

右四味搗為末以酢和塗乳痛即止有效

又方鹿角治下篩以猪脂上清汁服方寸匕不過再服
亦可以醋漿水服

又方取蔥白搗傅之并絞汁一升頓服即愈

治乳癰二三百日衆療不瘥但堅紫色青柳根熨方

右以柳根削取上皮擣令熟熬令溫盛著練囊中熨乳上乾則易之一宿即愈

疾藜圓治婦人乳腫痛除熱方

疾藜子

大黃

各一兩

敗醬

一分

桂心

人參

薏苡仁

附子

黃連

黃耆

雞骨

當歸

枳實

芍藥

通草

各二分

右十四味為末蜜丸如梧子大未食飲服三丸不知
益至五九日三無所忌一方無大黃敗醬黃連通草
為散酒服方寸匕

備急千金要方卷七十

欽定四庫全書

備急千金要方卷七十一 唐 孫思邈 撰

宋 林億等 校正

痔漏方

五痔第三

論方
灸法

論曰夫五痔者一曰牡痔二曰牝痔三曰脉痔四曰腸痔五曰血痔牡痔者肛邊如鼠乳時時潰膿血出牝痔者肛腫痛生瘡脉痔者肛邊有瘡癢痛腸痔者肛邊核

痛發寒熱血痔者大便清血隨大便污衣又五痔有氣

痔寒溫勞溫即發蛇蛻皮主之牡痔生肉如兒乳在孔

中頗出見外妨於更衣鼈甲主之牝痔

集驗作酒痔

從孔中

起外腫五六日自潰出膿血猬皮主之腸痔更衣挺出

久乃縮母猪左足懸蹄甲主之脉痔更衣出清血蜂房

主之五藥皆下篩等分隨其病倍其主藥爲三分旦以

井花水服半方寸匕病甚者旦暮服之亦可四五服禁

寒冷食猪肉生魚菜房室惟得食乾白肉病瘥之後百

日乃通房內又用藥導下部有瘡內藥瘡中無瘡內孔
中又用野葛燒末刀圭內藥中服藥五日知二十日若
三十日愈痔痛通忌蓴菜

治五痔衆醫所不能愈者方

秦艽

白芷

厚朴

紫參

亂髮

紫苑

各一兩

雷丸

藁本

各二兩

石南

麝蟲

各一兩

貫衆

三兩

蟲蟲

半升

猪後懸蹄

十四枚

右十三味合搗下篩以羊髓脂煎和丸如梧子大空
腹飲下十五九日二若劇者夜一服四日肛邊癢止
八日膿血盡鼠乳悉瘥滿六十日終身不復發久服
益善忌魚豬肉等

槐子圓治燥濕痔痔有雄雌皆主之方

槐子

乾漆

秦朮

吳茱萸根白皮

各四兩

白芷

桂心

黃芩

黃耆

白欬

牡蠣

龍骨

雷丸

丁香

木香

蒺藜

附子各二兩

右十六味為末蜜丸如梧子大飲服二十九日三

金

翼無白飲深師無黃耆云治苦暴有乾燥腫痛者有崩血無數者有鼠乳附核者有腸中煩癢者二五年皆殺人主忌飲酒及作勞犯之即發

小槐實圓治五十年者方

槐子

三斤

白糖

二斤

礬石

硫黃

各一斤

大黃

乾漆

龍骨

各十兩

右七味四味搗篩其二種石及糖並細切內銅器中
一石米下蒸之以綿絞取汁和藥末併手丸如梧子
大陰乾酒服二十九日三稍增至三十九

槐子酒治同前

槐子二斗

槐東南枝

細剉一石

槐東南根

細剉三石

右三味內大釜中以十六斛水煮取五斛澄取清更煎
取一石六斗炊兩斛黍米上麴二十斤釀之攪令調

封泥七日酒熟取清飲適性常令小小醉合時更煮
滓取汁淘米及洗器不得用水須知此事忌生水故
也

又方塗熊膽取瘥止神良一切方皆不及此

又方七月七日多採槐子熟搗取汁內銅器中重綿密
蓋著宅中高門上曝二十日已上煎成如鼠屎大內穀
道中日三亦主癰及百種瘡

又方取生槐白皮十兩熟搗丸如彈丸綿裹內下部中

此病宜常食菰竹葉及煮羹粥大佳也

又方取鯉魚腸三具以火炙令香綿裹內穀道中一食
久蟲當出食魚腸數數易之盡三具瘥一方炙腸令香
坐上蟲出經用有效

又方虎頭

犀角

右二味為末和不中水猪脂大如雞子塗瘡上取瘥
治五痔及脫肛方

槐白皮

二兩

猪脂

半斤

榛子

桃仁

各十枚

巴豆七枚

薰草

辛夷

甘草

白芷

各半兩

野葛

六銖

右十味㕮咀煎三上三下去滓以綿沾膏塞孔中日四五過蟲死瘥止癢痛大佳

治五痔方

猬皮

方三指大切

熏香

棗大末

熟艾

雞子大

右三味穿地作孔調和取便熏之口中熏黃烟氣出為佳火氣消盡即停停三日將息更熏之凡三度永

癢勿犯風冷羹臠將補慎猪雞等

又方取槐根煮洗之

又方用桃根煮洗之

猬皮圓治痔方

亦治漏

猬皮

具一

礬石

當歸

連翹

乾薑

附子

續斷

黃耆

各二兩

槐子

三兩

乾地黄

五兩

右十味為末蜜丸如梧子大服十五丸日再加至四

十九

集驗方無
礬石地黃

又方治崩中及痔方

猬皮

人參

茯苓

白芷

禹餘糧

乾地黃

槐耳

續斷

各三兩

蒲黃

黃耆

當歸

艾葉

橘皮

白斂

甘草

各二兩

白馬蹄

酒浸一宿
熱令黃

牛角腮

各四兩

鰻鱺魚頭

二十枚

猪懸蹄甲

二十一枚
熬

右十九味為末蜜丸如梧子大酒服二十九日再稍加

治痔方

右取槐耳赤雞一斤

即是槐櫛

為末飲服方寸匕日三

又方以蒲黃水服方寸匕日三良妙

外臺云治腸痔每大便常有血者

又方取桑耳作羹空腹飽食之三日食佳

治痔下血及新產漏下方

附子

好礬石

各一兩

右二味為末白蜜九如梧子大酒服二九日三稍加

不過數日便斷百日服之終身不發

崔氏方有乾薑一兩

治外痔方

亦治惡瘡漏瘡

真珠

雄黃

雌黃

各一兩

竹茹

三兩

猪膏

一斤

右五味為末內猪膏中和調又切亂髮半雞子大和東向煎三上三下髮焦出其痔先用鹽湯洗拭乾後傳之

治痔下部出膿血有蟲傍生孔竅方

右以槐白皮一櫪剉內釜中煮令味極出置大盆中
適寒溫坐其中如浴狀蟲悉出冷又易之不過二三
度瘥

治穀道癢痛繞緣腫起裏許欲生肉突出方

大豆

三升以水七升
急火煮取四升

槐白皮

三升

甘草

三兩

右三味以豆汁煮取二升浸故帛薄之冷則易日三

五度

槐皮膏治穀道癢痛痔瘡方

槐皮

棟實

各五兩外
臺作塵豉

白芷

各二兩

甘草

刪繁用
蜂房

當歸

三兩

桃仁

六十枚

赤小豆

二合

右七味咬咀以成煎猪膏一斤微火煎白芷色黃膏

成取摩瘡上日再并導下部

刪繁方無當歸治腎勞
虛或酒醉當風所損腎

藏病所為肛門腫生瘡因酒勞
傷發瀉清血肛門疼痛蜂房膏

治穀道痛方

右用菟絲子熬黃黑和雞子黃以傅之日二度

又方取杏仁熬令黃搗所脂以傅之

治大便秘卒痛如鳥喙方

右以大小豆各一斗和搗內兩袋中蒸令極熱更互

坐之瘥

灸法

灸冷五痔便血灸脊中百壯

五痔便血失尿灸回氣百壯穴在脊窮骨上

疥癬第四

論方
灸法

論曰凡瘡疥小秦朮散中加烏蛇肉二兩主之黃耆酒

中加烏蛇脯一尺亦大效

千金翼云黃耆酒中加烏蛇脯一尺烏頭附子茵芋石南

莽草各等分大秦朮散中加之亦有大效小小疥癢十六味小秦朮散亦相當黃耆酒見第二十四卷

凡諸疥癢皆用水銀猪脂研令極細塗之

治凡有瘡疥腰膀手足皆生疵疥者方

栝蒌根

四兩

黃連

芍藥

薔薇根

崔李根皮

黃蘗

各三兩

苦參

黃耆

黃芩

石龍芮

各二兩

大黃

當歸

續斷各一
兩

右十三味為末蜜丸如梧子大以薔薇飲服二十九

日三加至三十九瘥乃止乾疥白癬勿服

千金翼云
所是癰疽

皆須
服之

治寒熱瘡及風疥諸雜瘡方

千年韭根 好礬石 雄黃 藜蘆

瓜蒂 胡粉

各一分

水銀

三分

右七味以柳木研水銀使盡用猪脂一升煮藜蘆韭

根瓜蒂三沸去滓內諸藥和調令相得即成以傅之

神良

救急方用
治癰瘡

藺茹膏治一切惡瘡疥癬疽漏瘍方

藺茹

狼牙

青箱

地榆

藜蘆

當歸

篇蓄

羊蹄根

各二

兩

蛇牀子

白欬

各六分

漏蘆

二分

右十一味搗以苦酒漬一宿明旦以成煎猪膏四升煎之三上三下膏成絞去滓內後藥如左

雄黃

雌黃

硫黃

礬石

胡粉

松脂 各二兩

水銀 三兩

右七味細研看水銀散盡即傾前件膏中以十隻筋攪數百遍止用磁器密貯舉勿令泄氣煎膏法必微火急即不中用傳藥不可近目及陰先研雄黃等令細候膏小冷即和攪傳之

治疥疽諸瘡方

水銀

胡粉 各六分

黃連

黃蘗 各八分

薑黃

分十

礬石

附子

苦參

蛇床子

分各三

右九味水銀胡粉別研如泥餘爲末以成煎猪膏合

和研令調以傳之

千金翼
無薑黃

治久疥癬方

丹砂

雄黃

雌黃

劉涓子
無

亂髮

洗淨

松脂

白蜜

各一兩

藺茹

三兩

猪脂

二升

巴豆

十四枚

右九味先煎髮消盡內松脂蜜三上三下去滓內諸

末中更一沸止以傳之

千金翼用蟬不用蜜

又方水銀

礬石

一作礬石

黃連

一作雄黃

蛇牀子

各一

兩

右四味爲末以猪脂七合和攪不見水銀爲熟傳之

一方加藜蘆一兩又云藺茹

治諸瘡疥癬久不瘥者方

水銀斤一

臘月猪脂

五斤

右二味以鐵器中壘竈用馬通火七日七夜勿住火

出之停冷取膏去水銀不妨別用以膏傳一切瘡無

不應手立瘥

千金翼又用水銀粉和猪脂塗之

又方特牛尿

羊蹄根各五升

右二味以牛尿漬羊蹄根一宿日曝乾復內尿中取

盡止作末傳諸瘡

千金翼云和猪脂用更精

又方拔取生烏頭十枚切煮汁洗之瘥

論曰凡諸瘡癬初生時或始痛癢即以種種單方救之

或嚼鹽塗之又以穀汁傳之又以蒜墨和傳之

千金翼
蒜作酥

又以薑黃傳之又以鯉魚鮓糝傳之又以牛李子汁傳之若以此救不瘥乃以前諸大方治之

治細癬方

蛇牀子

白鹽

一作
白堊

羊蹄根

各一
升

赤葛根

苦參

菖蒲

各半
斤

黃連

莽草

各三
兩

右八味咬咀以水七升煮取三升適寒溫以洗身如炊一石米頃爲佳澄清後當微溫用之滿三日止

又方羊蹄根於磨石上以苦酒磨之以傳瘡欲傳先刮

瘡以火炙乾後傳四五過

千金翼云擣羊蹄根著磁器中以白蜜和臨用先刮瘡令

傷次以蜜和者傳之如炊一石米久拭去更以三年大蒜和塗之苦刮瘡處不傷即不瘡

又方羊蹄根五升以桑柴灰汁煮四五沸以洗凡方中用羊蹄根皆以日未出採之佳

又方菖蒲末五斤以酒五升漬釜中蒸之使味出先絕酒一日每服一升或半升

又方用乾荊子燒中央器承兩頭取汁塗之先刮上令

傷次用荊子汁

治癰方

右取煎餅熱搗不限多少日一遍良亦治浸淫瘡

又方淨洗瘡取醬辦雀屎和傳之瘡止

千金翼云取醬和尿和塗之

又方水銀蕪莢和酥傳之

又方日中午擣桃葉汁傳之

又方擣刺薊汁傳服之

又方燒蛇蛻一具酒服

又方服地黃汁佳

又方搗羊蹄根和乳塗之

又方服驢尿良

又方醋煎艾塗之

又方搗莨菪根蜜和傅之

千金翼
無根字

治濕癬肥瘡方

右用大麻詣傅之五日瘡

治癬久不瘥者方

右取自死蛇燒作灰猪脂和塗即瘥

灸癰法

日中時灸病處影上三炷灸之咒曰癰中蟲毛戎戎若
欲治待日中

八月八日日出時令病人正當東向戶長跪平舉兩手
持尸兩邊取肩頭小垂際骨解宛宛中灸之兩火俱下
各三壯若七壯十日愈

治小兒癰方

右以蛇牀實搗末和豬脂以傅之

治瘡癢方

右以水銀和胡粉傅之

治身體瘙癢白如癬狀者方

楮子

三枚

猪脰

一具

礬石

一兩

鹽

一升

右四味以苦酒一升合搗令熟以拭身體日三

治癰易方

右以三年醋磨烏賊骨先以布摩肉令赤次傅之

又方醋磨硫黃塗取上

集驗又磨附子硫黃待使熟將卧以布拭病上乃以藥傅之

又方取塗中先死蜚螻擣爛塗之當揩令熱封上一宿瘥

又方白欽

熏陸香

右二味揩上作末水服瘥

又方硫黃

雌黃

槲皮

燒

蛇蛻一具

右四味各等分擣篩以清漆合和薄塗白處欲塗時先以巴豆半截拭白處皮微破然後傅之不過三兩

度

又方硫黃

水銀

礬石

竈墨各等分

右四味搗篩內坩子中以蔥葉中涕和研臨卧傳病上

九江散治白癩風及二百六十種大風方

當歸分七

石南分六

附子

躑躅

秦艽

菊花

乾薑

防風

雄黃

麝香

丹砂

斑猫各四兩

蜀椒

連翹

鬼箭羽

石長生

知母

各八分

鬼臼

各十一分

王不留行

人參

石斛

天雄

烏頭

獨活

防己

莽草

各十分

水蛭

百枚

蜈蚣

三枚

蟲蟲

地膽

各十枚

右三十味諸蟲皆去足翅鬣炙令熟爲散以酒服方

寸匕日再其病入髮令髮白服之百日愈髮還黑

又方天雄

白斂

黃芩

各三兩

乾薑

四兩

附子

一兩

商陸

躑躅

各一升

右七味治下篩酒服五分七日三

治白癰方

礬石

硫黃

右二味各等分為末酢和傳之

又方平旦以手掉取韭頭露塗之極效

又方以酒服生胡麻油一合日三稍稍加至五合慎生

冷猪雞魚蒜等百日服五斗瘥

又方取羅摩草煮汁拭之亦揩令傷槌白汁塗之

又方石灰松脂酒主之方見卷末

又方以蛇蛻皮熬摩數百過棄置草中

又方樹空中水洗桂爲末唾和塗之日三

又方以水銀數數拭之令熱即消瘡乃止

又方灸左右手中指節去延外宛中三壯未瘡報之

治凡身諸處白駮漸漸長似癬但無瘡方

右取鰻鱺魚脂塗之先揩病上使痛然後塗之

治皮中紫赤疵痣去靨穢方

乾漆

雌黃

礬石

各三兩

雄黃

五兩

巴豆

十五枚

炭皮

二斤

右六味治下篩以雞子白和塗故帛貼病上日二易

治赤疵方

右用墨大蒜鯁血合塗之

治贅疵痣方

雄黃

硫黃

真珠

礬石

巴豆

藺茹

藜蘆

各一兩

右七味治下節以真漆合和如泥以塗點病上須成瘡及去面黥皮中紫不耐漆人不得用以雞子白和之

去疣目方

以七月七日用大豆一合拭疣目上三遍病疣人自種豆於南屋東頭第二雷中豆生四葉以湯沃殺即瘥

又方松栢脂合和塗之一宿失矣

又方石硫黃搯六七遍

又方杏仁燒令黑研膏塗上

又方以猪脂癢處搯之令少許血出即癢神驗不可加

又方每月十五日月正中時望月以禿條帚掃三七遍
癢

又方苦酒漬石灰六七日滴取汁點疣上小作疣即落

又方取牛口中涎數塗自落

又方著艾炷疣目上灸之三壯即除

惡疾大風第五

論方

論曰惡疾大風有多種不同初得雖徧體無異而眉鬚已落有徧體已壞而眉鬚儼然有諸處不異好人而四肢腹背有頑處重者手足十指已有墮落有患大寒而重衣不暖有尋常患熱不能暫涼有身體枯槁者有津汁常不止者有身體乾癢徹骨搔之白皮如麩手下作瘡者

外臺作卒不作瘡

有瘡瘕荼毒重疊而生晝夜苦痛不已者

有直置頑鈍不知痛癢者其色亦有多種有青黃赤白
黑光明枯暗此候雖種種狀貌不同而難療易療皆在
前人不由醫者何則此病一著無問賢愚皆難與語何
則口順心違不受醫教直希望藥力不能求已故難療
易療屬在前人不闕醫藥予嘗手療六百餘人瘥者十
分有一莫不一一親自撫養所以深細諳委之姑與共
語覺難與語不受入即不須與療終有觸損病既不瘥
乃勞而無功也又神仙傳有數十人皆因惡疾而致仙

道何者皆由割棄塵累懷穎陽之風所以非止瘥病乃
因禍而取福也故余所覩病者其中頗有士大夫乃至
有異種名人及遇斯患皆愛戀妻孥繫著心髓不能割
捨直望藥力未肯近求諸身若能絕其嗜慾斷其所好
非但愈疾因茲亦可自致神仙余嘗問諸病人皆云自
作不仁之行久久並為極猥之業於中仍欲更作云為
雖有悔言而無悔心但能自新受師教命食進藥餌何
有不除余以正觀年中將一病士入山教服松脂欲至

百日鬚眉皆生由此觀之惟須求之於已不可一仰醫藥者也然有人數年患身體頑痺羞見妻子不告之令知其後病成狀貌分明乃云犯藥卒患此皆自誤然斯疾雖大療之於微亦可即瘥此一疾得遠者不過十年皆死近者五六歲而亡然病者自謂百年不死深可悲悼一遇斯疾即須斷鹽常進松脂一切公私物務釋然皆棄猶如脫屣凡百口味特須斷除漸漸斷穀不交俗事絕乎慶弔幽隱巖谷周年乃瘥瘥後終身慎房事犯

之還發茲疾有吉凶二義得之脩善即吉若還同俗類
必是凶矣今畧述其由致以示後之學者可覽而思焉
藹豆治惡疾方

右用細粒烏豆擇取摩之皮不落者取三月四月天
雄烏頭苗及根淨去土勿洗搗絞取汁漬豆一宿漉
出曝乾如此七反始堪服初服三枚漸加至六七枚
日一服禁房室猪魚雞蒜畢身毛髮即生犯藥不
瘥

岐伯神聖散治萬病癰疽癩疥癰風痿骨肉疽敗百節
痛眉毛髮落身體淫淫躍躍痛癢目痛背爛耳聾齒齲
痔瘻

天雄

附子

茵芋

外臺作
茵草

躑躅

細辛

烏頭

石南

乾薑

各一兩

蜀椒

防風

菖蒲

各二兩

白朮

獨活

各三兩

右十三味治下篩酒服方寸匕日三勿增之

狼毒散治惡疾方

狼毒

秦朮各等分

右二味治下篩酒服方寸匕日三服五十日愈

又方煉松脂投冷水中二十遍蜜丸服二丸遇饑即服
之日三鼻柱斷離者二百日服之瘡斷鹽及雜食房室
又天門冬酒服百日愈

石灰酒主生毛髮眉鬚去大風方

石灰

一石伴水和
濕蒸令氣足

松脂成煉

十斤
為末

上麴

一斗
二升

黍米

一石

右四味先於大鍋內炒石灰以木札著灰中火出為度以枸杞根剉五斗水一石五升煮取九斗去滓以淋石灰三遍澄清以石灰汁和漬麴用汁多少一如釀酒法訖封四七日開服常令酒氣相及為度百無所忌不得觸風其米泔及飯糟一事已上不得使人畜犬鼠食之皆令深埋却此酒九月作二月止恐熱隔上熱者服後進三五口冷飯壓之婦人不能飲食

黃瘦積年及蓐風不過一石即瘥其松脂末初醱釀酒攤飯時均散著飯上待飯冷乃投之此酒飯宜冷不爾即醋宜知之

治大風眉鬚落赤白癩病八風十二痺筋急肢節緩弱飛尸遁注水腫癰疽疥癬惡瘡脚攣手折眼闇洞洩痰飲宿癖寒冷方

麴

二十斤

商陸根

二十斤

馬耳切

右二味合於甕中水一斛漬之炊黍米一石釀如家

法使麴米相淹三杲畢密封三七日開視麴浮酒熟
澄清溫服三升輕者二升藥發吐下為佳宜食弱煮
飯牛羊鹿肉羹禁生冷醋滑及猪犬鷄魚等

治風身體如蟲行方

右用鹽一斗水一石煎減半澄清溫洗浴三四遍

并療


一切
風

又方以淳灰汁洗面不過一月

又方以大豆漬飯漿水旦旦溫洗面洗頭髮不淨加少

麴勿以水濯之不過十度

又方成煉雄黃松脂各等分蜜和丸如梧桐子大飲下
十九日三服百日愈慎酒肉鹽豉等



備急千金要方卷七十一